

Talento calidad y nivel halto den Festival di Polis

El festival di cancion di polisnan di Aruba, Corsow, Bonaire, Kustwacht, Suriname, Islanan ariba y Hulanda, a resulta den un anochi yen di talento di canto policial, cu un calidad halto den presentacionnan, y un nivel cu ta lagabo babuca. For di cuminsamento te fin e audiencia a keda ta mid e presentacion di e cantantenan, pa na final tin un idea mas o menos kendenan sigur lo ta entre e ganadornan. Finalmente a resulta cu ta solamente 3 ta gana y lo tin e premio di cantante mas popular.




JOSE ROSALES di Bonaire a habri e festival cu un bom interpretando e clasico "Toch mi sa". Cu un voz formidable, cu presentacion agradable yegando e tononan mas abao y esnan mas halto cu tur claridad, a pone cu al a ricibi un bon pa su presentacion. Aki caba a nace e prome posibel ganador di anochi.



JACINTO CROES "Chinto" CROES, representando Aruba, a sigui cu "Jamás te olvidare" version spaño di "I can't stop loving you", sacando tur locual e tin aden di su voz. Na dado momento e ta

lagabo duda si e lo yega e tononan mas halto, y a logra excelente den esaki tambe poniendo su mes tambe den linea pa por cay den premiacion. Su interpretacion y articulonnan tabata formidable. E competencia a mas fuerte ora cu Corsow su representante, **RUDSEL OFFERMAN** a subi



escenario y a presenta cu "Tu amor me hace bien", version spaño di e cancion "Without Love". Rudsel cu su voz di bariton, sigur a duna bon competencia na esnan prome cu ne. Su "range", tanto abao como halto el a logra net y cu claridad cada momento cu e yega na e tononan aki. Te na e momentonan aki sinembargo, mi a keda cu e pensamiento cu Jose ta esun mas fuerte y cu mester wordo gana.




Di Aruba a sigui **JELITSA CROES** cu e cancion "Quererte a ti". Cu un voz masha bunita el a interpreta su cancion, yegando e tononan halto cu hopi claridad, no por keda sin menciona e bunita cu el a termina e cantica. Despues di Jelitsa, a subi escenario e representante di St. Maarten, **GEORGE YORK**. E cancion cu el a



interpreta tabata "If tomorrow never comes" El a lucha poco cu su voz y timbre, sinembargo su performance tabata excelente. Jose Rosales a keda marca te na e momento ey como "the man".

Bonaire a wordo representa seguidamente pa **AUDREY FRANS**. E



cancion cu el a participa cune tabata "Lubida". Aki atrobe Bonaire a impone su nomber den e festival aki E prome comentario cu por a tende mi tras tabata: "esey ta e cantica di Leu di Cas". Audrey tambe a demostra un voz agradable y potente y a pone Bonaire ariba.

E cantante cu a sigui tabata **JEANETTE RICHARDSON BAARS** repre-



sentando Aruba. Jeanette ta conoci pa su bunita voz,

y e biah a aki el a interpreta un cancion hopi dificil, "Didn't we almost have it all", y a sa di pasa den dje cu tur su quebradan na un manera formidable. Especialmente e partinan mas halto di e cancion el a logra cu hopi claridad y tono bon manteni.



NAOMI ALEXANDER di St. Maarten cu e cancion "Wind beneath my wings" a cera e prome parti di presentacionnan. Naomi tabata tin algun problema cu su afinacion, tanto den tononan halto como tononan abao. E tin sinembargo un bunita voz pero cu bon guia e lo por yega leu.

Jose Rosales despues di e prome 8 cantantenan a keda perfila como e favorito.

E di dos parti di e festival a habri cu **HUMPHREY KOULEN** di Suriname cu a



canta "My baby you". For di momento cu el a cuminsa canta, por a sinti cu Koulen lo score hopi bon cerca huradonan. E tin un voz bunita, y su presentacion combina cu su "stage performance" tabata perfecto. Hopi aplaudo el a ricibi despues di a termina su cancion na un manera excelente. Aki e duda a cuminsa drenta cu si Jose lo mantene su mes of si Humphrey Koulen lo a surpase cu

voto. E anochi tabata den man di nan dos y mas bien cu Koulen como e cantante cu mester wordo gana.

Di Bonaire a subi escenario seguidamente, **EMMANUEL LIBIER** cu e



cancion "de que manera te olvido". Libier a saca cara di Bonaire mescos cu e dosnan prome. Cune y or a tende cu Bonaire por ta orguyoso. Su presentacion, su expresionnan hopi cla, bon voz, y mantencion di tononan a contribui grandemente na su exito. Suriname a wordo representa despues pa **SANDRA CLAVER** cu a canta



e cancion "Greatest Love of all". Tabata trata aki di debut di Sandra como cantante. Su prome presentacion riba escenario dilanti publico. E tabata tin problema cu claridad di notanan y a goza si di hopi sosten di publico.

Despues di Sandra, e siguiente cantante a resulta **SOLIANA MADURO** representando



Segui lesa pag. 35

Continuacion pagina 34

Kustwacht. El a canta e cancion **"Eterno amor secreto"**. Por a ripara cu Soliana a cumenza cu poco nervio, pero Claudius cu a compaña e cantantenan excelentemente e anochi aki cu Oreó, musicalmente a hinca Soliana den e cancion y for di ey nan el a los y duna un presentacion masha satisfactorio. E unico comentario riba Soliana ta cu pa e bunita voz cu e tin, e mester escoge cancion cu no ta bay mucho abao den tono y no mucho halto den tono. E cancion mester ta exactamente den su **"range"**, su alcance di voz den tononan di mas abao cu e por yega cu hopi claridad, y tononan mas halto cu e por net yega cu mes claridad. E ta un talento cu meter tene cuenta cune. Despues di Soliana, a subi escenario **JOSELITO ARENDS** representando



Aruba. Joselito a tira un misil kathyusha riba Jose Rosales, Humphrey Koulen cu su cancion **"Am I the only one"** Manera

Joselito a presenta cu su bril glasnán scur na cara, por a mira un mini Jose Feliciano riba escenario. E

cantante aki di estatura cortico, a resulta di ta un gigante di cancion. Su voz tabata potente, y bunita. Remarcablè tabata e bon cu e tabata domina su voz y hunga cu tononan, y tur esey combina cu un stage-performance masha agradable. Aki caba por a sinti cu e anochi lo por draai rond di Joselito y Humphrey.

Ora cu tur comentario tabata riba esnan fuerte, a bin presenta e cantante di Corsow, **GEORGE MADURO** cu a interpreta



"Vereda Tropical". Pa mi, George Maduro lo a gana e festival aki **"ayera"** of **"antayera"**, pero no e anochi aki. Motibo ta cu ta trata aki di un cantante cu aki dos luna ta baha cu pensioen. Por a nota cu edad a bay cu claridad di su tononan mas halto. Admirable sinembargo, si no a nota esaki, ta cu Maduro a sa di hunga cu su voz, pa controla e notanan halto aki na un manera formidable cu ta un veterano di canto cu conoce su voz, so por. Fuera di e parti ey, George Maduro a demostra di tin un voz masha dinamico, bunita y sigur tabata un tenor pisa **"ayera"** of **"antayera"** cu

e tabata **"e Voz!"**.

Pa mi y pa varios persona cu a comenta cerca mi, George Maduro a resulta e ganador sentimental di e festival aki y e ovacion cu el a ricibi tabata grandi. Despues di Maduro, Hulanda a tira su unico **"liña"** pa conquista e titulo maximo. Tabata trata aki di **SUZANNE HOF** cu a haci su debut den un festi-



val, a pesar di a yega di canta na varios ocasion. El a interpreta e cancion **"Still the One"** y cu su presentacion, a gara e publico. Aki por a pensa mes ora cu Humphrey y Joselito ta den problema pasobra e dama aki a baha pisa cu bunita voz, y cu un **"stage performance"** campeón hungando cu su audiencia y pone tur hende move cune. Aki caba ta e resultado mester a sinta spera.

E ultimo cantante di e anochi tabata di Aruba, **GERAR KHOURY**, cu a



canta **"Quitarte el alma"**.

Koury tabata tin un presentacion masha satisfactorio, pero no di e forza pa por a gana of cay entre e ganadornan. E tin un voz agradable, bon presentacion riba escenario pero su afinacion na varios ocasion no tabata cu claridad.

Sin cu tabata conoci e cantidad di premionan, por a spera cu Humphrey, Suzanne y Joselito no por a keda afo y cu posibilidad pa Jose Rosales, Rudsel Offerman, Jeanette Richardson Baars, Emmanuel Libier y George Maduro, por logra un of otro distincion dependiendo di e cantidad di premionan. Finalmente a resulta cu **JOSELITO** a bira e maximo ganador, cu **SUZANNE** na di dos lugar y

HUMPHREY na di tres lugar. **SUZANNE** ademas a gana e premio di cantante mas popular. Un resultado cu tur hende por biba cune, mirando e nivel di huradonan bao direccion di **Roy Sneek** y cu lo por a escoge cualquier die 3 nan tambe como ganador maximo dependiendo di un of dos resultado di un of otro di e huradonan. Pero ta den e tres nan aki lo a keda sigur finalmente.

Un pabien sigur na e organizadornan y pa e disciplina enorme cu tabata tin durante henter e anochi di tur esnan presente den club Cai-quetio.

Juby Naar.